

Na osnovu člana 21.a Zakona o zaštiti ličnih podataka Bosne i Hercegovine ("Službeni glasnik BiH" broj: 49/06, 76/11 i 89/11), člana 29. Pravila JU "Studentski centar" Sarajevo broj: 01-2079/18, 01-830/22, 01-309-1/23 i 01-361/24, Upravni odbor JU "Studentski centar" Sarajevo, je na elektronskoj sjednici, održanoj dana 13.06.2025. godine donio sljedeći

**P R A V I L N I K
O VIDEO NADZORNOM SISTEMU U
JU "STUDENTSKI CENTAR" SARAJEVO**

I. PREDMET PRAVILNIKA

Član 1.

Pravilnikom o video nadzornom sistemu u JU "Studentski centar" Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba video nadzornog sistema u prostorijama JU "Studentski centar" Sarajevo (u daljnjem tekstu: Studentski centar) i opseg podataka.

II. ODLUKA O VIDEONADZORNOM SISTEMU

Član 2.

Upravni odbor Studentskog centara donosi odluku o uvođenju video nadzornog sistema u Studentskom centru.

Član 3.

Bliže odredbe o uspostavi, svrsi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

III. ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a predviđa uspostavu video nadzornog sistema.

IV. SVRHA VIDEONADZORNOG SISTEMA

Član 5.

Svrha uspostavljanja video nadzornog sistema u Studentskom centru jeste neophodna optimizacija sigurnosti studenta, radnika i posjetioca u Studentskom centru, u toku rada u prostoru Studentskog centara, dvorišta, sigurnost objekta i imovine Studentskog centara predviđene Pravilnikom o kućnom redu u Studentskom centru.

Član 6.

Dozvoljena je upotreba video nadzornog sistema u smislu vođenja evidencija u skladu sa članom 43. Zakona o radu.

V. OPSEG PODATAKA VIDEONADZORA

Član 7.

Video nadzorni sistem Studentskog centara obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaj za pohranu videozapisa deponuje i arhivira videozapise, minimalno 7 dana.

Član 8.

Unutrašnje kamere pokrivaju glavne koridore, hodnike i komunikacije unutar Studentskog centara.

Član 9.

Vanjskim kamerama vrši se nadzor nad dvorištem u krugu Studentskog centara, ulazima i izlazima za vanredne okolnosti.

Član 10.

Vanjskim kamerama nadzire se isključivo objekti Studentskog centara i u svom opsegu nemaju susjedne objekte niti se na njima nadzire bilo čija imovina.

Član 11.

(1) Na ulazima u Ustanovu i oko dvorišta postavljaju se vidljivi znaci obavijesti:

PAŽNJA OBJEKAT POD VIDEONADZOROM.

(2) Znak na samom ulazu u Ustanovu sadrži i kontakt telefone preko kojih se mogu dobiti opće informacije o videonadzoru.

VI. UPOTREBA PODATAKA

Član 12.

(1) Uređaj za snimanje se nalazi u zaštićenoj kutiji i rec ormaru u portirnici/recepciji, a monitori video nadzornog sistema u portirnici Studentskog doma/naselja.

(2) Direktor Studentskog centara može ovlastiti drugo lice iz reda radnika iz Studentskog centara da ima pristup administraciji video nadzornog sistema Studentskog centara u svojstvu kontrolora, kada direktor nije prisutan u Studentskom centru.

Član 13.

(1) Kontrolor video nadzornog sistema jeste direktor Studentskog centara kao odgovorno lice.

(2) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.

(3) Podacima u smislu stava (2) ovoga člana ovoga je ovlašteno lice, u skladu sa stavom (1) ovoga člana, ima u prostorijama Studentskog centara ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 15.

Monitoring u realnom vremenu nad videonadzorom imaju radnici koji obavljaju poslove portira – referenta i čuvara – referenta ili druga lica koja ovlasti direktor Studentskog centara, bez mogućnosti pristupa snimcima, već isključivo praćenja u realnom vremenu.

VII. ZAŠTITA LIČNIH PODATAKA

Član 16.

(1) U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

a) Snimci pohranjeni putem videonadzora na određenom prostoru na osnovu koji se može identificirati nosilac podataka predstavljaju zbirku ličnih podataka.

b) Kontrolor koji vrši videonadzor dužan je donijeti odluku koja će sadržavati pravila obrade s ciljem

poštivanja prava na zaštitu privatnosti i ličnog života nosioca podataka, ako videonadzor nije propisan zakonom.

- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.
- (2) Direktor, kao ni bilo koja druga osoba, ne smije koristiti podatke o osobama prikupljene video nadzornim sistemom zaštite izvan njihove zakonske namjene, a raspolaganje snimkama dopušteno je samo direktoru Studentskog centra.

Član 17.

Evidencija nad zbirkom ličnih podataka u smislu tehničke izvedbe video nadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

Član 18.

Pravilnik podrazumijeva poštivanje člana 30. Zakona o radu, koji se odnosi na postupanje sa ličnim podacima radnika — kada je to propisano zakonom ili ako je potrebno radi ostvarivanja prava ili obaveza radnika.

VIII. PRELAZNE I ZAVRŠNE ODREDBE

Član 19.


Ovaj Pravilnik stupa na snagu osmog dana od dana objave na oglasnoj ploči Studentskog centra.

Član 20.

Za tumačenje odredbi ovog pravilnika nadležan je Upravni odbor Studentskog centra.

Član 21.

Javnost se upoznaje sa sadržajem ovoga Pravilnika putem službene web stranice Studentskog centra. Pravilnik o videonadzoru u JU "Studentski centar" Sarajevo je objavljen na oglasnoj ploči Studentskog centra dana 16.06.2025. godine, a stupio je na snagu 17.06.2025. godine.



Na osnovu člana 29. Pravila JU "Studentski centar" Sarajevo broj: 01-2079/18, 01-830/22, 01-309-1/23 i 01-361/24, Upravni odbor JU "Studentski centar" Sarajevo na elektronskoj sjednici, održanoj 13.06.2025. godine, donosi slijedeću

ODLUKU
o vršenju video nadzora u JU "Studentski centar" Sarajevo

Član 1.

Video nadzor se vrši sa ciljem dodatnog osiguranja objekta u JU "Studentski centar" Sarajevo (u daljem tekstu: Studentski centar), dokumentacije i evidencije koju vodi Studentski centar, kao i radi sigurnosti studenta i radnika Studentskog centra.

Član 2.

Video nadzor se može uspostaviti i voditi na bilo kojem mjestu u zgradi i prostorijama u Studentskom centru, osim sanitarnih prostorija, radi poboljšanja bezbjedonosnih uslova u Studentskom centru, kontrole ulaska i izlaska iz Studentskog centra, zaštite imovine Studentskog centra i radnika, zaštite dokumentacije ličnih podataka koji se vode u postojećim evidencijama.

Član 3.

S ciljem osiguranja zakonitog postupanja sa video zapisima, podaci na video zapisu, kao i svi drugi podaci koji su nastali uslijed upotrebe video zapisa nose oznaku "povjerljivo" te za radnike koji ih čuvaju i pregledaju predstavljaju službenu tajnu.

Član 4.

Video zapis snimljen videonadzorom mogu koristiti policijski službenici, direktor i radnici koje direktor Studentskog centra odredi za pregled i korištenje podataka, koji se može koristiti u svrhu kontrole i evidencije prekršaja, kao i za moguće potrebe preispitivanja disciplinske odgovornost studenata i radnika.

Član 5.

Pregledane snimke na kojima se utvrdi počinitelj povrede radne obaveze i radnje koja predstavlja povredu kućnog reda, čuvaju se za potrebe vođenja disciplinskog postupka, kako za studente tako i za radnike u skladu sa propisima koji regulišu navedenu materiju.

Član 6.

Studentski centar je dužan na vidnom mjestu istaći javnu obavijest kojom će se građani, studenti i radnici biti obavješteni da se vrši videonadzor u Studentskom centru.

Član 7.

Sistem videonadzora koji se koristi za vršenje videonadzora će biti zaštićen od pristupa neovlašćenih osoba.

Član 8.


Studentski centar će uspostaviti i voditi evidenciju u vidu knjige, ovjerenu pečatom Studentskog centra, o pregledu videonadzora i svim dešavanjima i evidencijama na videonadzoru, kao i o korištenju podataka iz evidencije o videonadzoru.

Član 9.

Ova Odluka se obavezno objavljuje na oglasnoj ploči Studentskog centra.

Dostavljeno:

1. Oglasna ploča
2. a/a


Predsjednik Upravnog odbora

Amir Fatić